

Bulan Ramadān dan Nuzul Quran

(Oleh: Ustaz Abu Bakar Sidek)

Amalan puasa yang dihadapi oleh umat Islam, bukan sahaja merupakan amalan yang maha penting, malah ia merupakan suatu pengajaran dan satu tanggungan yang wajib dikerjakan.

Selama umat Islam melakukan ibadah puasa sebulan Ramadān, empat peristiwa akan ditempuh, tiga daripadanya akan dirasai di dalam bulan Ramadān, sementara satu lagi berlaku pada permulaan bulan yang berikutnya.

Keempat-empat perkara yang dimaksukan itu ialah puasa Ramadān, Nuzul Quran, zakat fitrah dan sembahyang Hari Raya Aidil Fitri – empat rangkaian ini merupakan pembentuk dan pemelihara kebudayaan umat Islam sepanjang masa.

Puasa diwajibkan dengan maksud yang jelas dan nyata! Puasa merupakan satu ibadah yang membawa kepada keluhuran budi, puasa memberi bimbingan dan sanjungan kepada manusia membawa ke matlamat yang sebenar.

Kita berpuasa kerana Allah – menahan dahaga dan lapar serta mengekang nafsu pada siang hari kerana Allah juga, sesungguhnya pada hari berpuasa ini, kita betul-betul diasuh, dididik dan diajar supaya berlaku jujur dan ikhlas di dalam sebarang pekerjaan dan perlakuan yang kita buat dalam masa berpuasa itu.

Krisis moral atau keruntuhan akhlak yang sedang berlaku dengan hebatnya di mana-mana sahaja akibat nafsu dan syahwat keinginan yang tidak berkekang.

Syaitan mungkar yang menjadi pahlawan nafsu itu sentiasa membisikkan kepada manusia bagaimana mahu menjadi kaya dengan tiada bekerja dan berusaha.

Dibisikkan juga bagaimana cara ingin memuaskan nafsu dengan tiada kahwin, dan segala-galanya itu membawa kepada keburukan dan penyakit yang merbahaya.

Untuk menyelamatkan dan mengamankan hidup yang telah dikacau itu, maka Allah Ta‘ālā telah memardukan¹ setiap hamba-hamba-Nya yang Mukmin dengan berpuasa, kerana jurusan ini adalah sebaik-baik ubat yang mujarab.

Kemudian menyusullah peristiwa yang kedua, iaitu Nuzul Quran.

Nuzul Quran

Al-Qur’ān yang merupakan pedoman hidup kaum Muslimin diturunkan dalam bulan Ramadān juga.

Dalam masa 12 tahun sebelum Hijrah junjungan kita Nabi Muḥammad ﷺ ‘alayhi wa sallam, Qur’ān mula diturunkan kepada junjungan kita secara beransur-ansur.

Dengan berdasarkan bukti-bukti yang nyata dan catitan sejarah dapatlah kita mengetahui bahawa al-Qur’ān telah mengubah manusia pindah dari alam kegelapan menuju ke alam kenyataan.

Al-Qur’ān bukan sahaja menjadi kitab bacaan kaum Muslimin, malah ia merupakan “panduan” yang benar-benar dapat mengubah kebudayaan dunia, malah telah menggemparkan dunia kesusasteraan bangsa. Ia lebih lengkap, lebih besar, lebih agung malah lebih bernilai dari segala ajaran yang digubah oleh manusia.

¹ Memfardukan

Demikianlah antara lain satu sudut kebesaran

yang sebenarnya bagi kebaikan dunia.

dan keagungan yang terdapat di dalam al-Qur'ān.

Kata-kata ini memang terbukti sekali – dalam

Bagaimanapun Nuzul Qur'ān ini tidak akan

masa 23 tahun menjalankan pelajaran al-Qur'ān, bangsa

dapat difahamkan maksudnya dengan benar-benar kalau tidak ada

Arab dapat dijadikan manusia yang maju dan cerdas.

kesungguhan hati.

Sejak zaman Khalifah Saiyidina Abū Bakr al-Siddīq memerintah

Al-Qur'ān merupakan sumber peradaban dan kemajuan

membawa kepada zaman Khalifah Hārūn al-Rashīd, kemajuan

yang baik dan sempurna – ia diakui oleh dunia

ilmu dan peradaban bertambah pesat. Mundurnya umat Islam

Timur dan Barat dengan menjalankan pelajaran dan aturan

setelah melupakan kembali panduan al-Qur'ān yang tadinya

dalam al-Qur'ān bererti membawa peradaban, dan kemajuan

dipegang teguh-teguh. Al-Qur'ān wajib dipelajari dan difahamkan

benar-benar serta diamalkan.



Murid-murid darjah tinggi Sekolah Agama Muhammad Alam Suria Brunei, bergambar ramai untuk kenangan, kerana

meraikan Cikgu Abdul Rahman bin Haji Hashim Guru Besar yang telah bertukar ke Sekolah Agama Bokok Temburong Brunei.

Duduk di tengah-tengah (Cikgu Abdul Rahman yang diraikan), kiri: Cikgu Zubaidi bin Haji Muhammad Yasin

dan di kanan Cikgu Azizah binti Nawi.

Zakat Fitrah

Umat Islam telah diwajibkan mengeluarkan segantang makanan untuk diberi kepada fakir miskin, pemberian yang dilakukan itu dinamakan zakat fitrah.

Dari pengalaman berpuasa dan akibat rasa lapar dahaga yang dirasai sepanjang-pangjang hari pada bulan Ramaḍān, maka akan terlahirlah di hati kecilnya rasa belas kasihan dan perikemanusiaan, sebab itulah maka Tuhan mewajibkan kepada golongan yang berada mengeluarkan zakat fitrah.

Zakat ditinjau dari segi politik menguatkan kebudayaan negara, membesarluaskan dan meluaskan ekonomi negara, menciptakan sistem ekonomi yang teratur

dan melahirkan keadilan sosial di samping merapatkan

hubungan antara rakyat dan pemerintah.

Zakat ditinjau dari segi falsafah, menguatkan iman, menambahkan pengetahuan dan berbuat amal bakti terhadap sesama manusia, negara dan agama.

Zakat dipandang dari segi sosial mempereratkan tali persaudaraan antara sesama manusia miskin dengan kaya, majikan dengan buruh, rakyat dengan pemerintah, merapatkan perhubungan dan persamaan.

Hari Raya Aidil Fitri

Manakala telah genap sebulan melalui puasa, dan setelah membayar zakat, kaum Muslimin umumnya keluar beramai-ramai datang ke masjid atau lainnya.

Dan lahirlah Hari Raya Aidil Fitri, hari bahagia, hari bersuka ria, hari kemenangan bagi umat Islam, pada hari itu – 1 Syawal diharamkan berpuasa.

Hari raya merupakan hari kemenangan akal daripada nafsu, membesarluaskan Allah dengan mengucapkan takbir dan tahmid.

Demikianlah inti sari dan sedikit sudut pandangan sekilas mengenai puasa, Nuzul Qur'an, zakat fitrah dan hari raya.

Semoga Tuhan memberkati kita di sepanjang Ramaḍān dan bulan Shawwal.

Selamat berpuasa dan berhari raya.



Empat sahabat pembaca Qalam, bergambar untuk kenangan

dan mengucapkan selamat berpuasa.

